

Onisiny 15

1. Gaalat lulle mai sidh shigwoka maya?

-Waa`g takama.

2. Kayin ubaa Abel ale ki `dallidhe?

-He Eden ma ki `dallan.

3. Kayin ubaa Abel Eden ma ki `dallanala `daa mare?

-Gaal `jiale Adam ubaa `jiele Hewan `daa giri adab tagniyeka, Waa`g met ma kinya, Waa`g he Eden ye gaa `deche.

4. Adam ubaa Hewan Waa`g hi Eden ye gaa `decheka, gaalat lulle ale ki `dallidhe?

-Gaalat lulle Eden ma ka `dallan.

5. Waa`g Abel ubaa shichole etela `daa mare?

-Abel `daa giri Waa`g met gaa kiyeka.

-Abel `daa giri shicho walacha mi shieka.

-Abel `daa giri girich Waa`giet nedheka.

6. Abel `daa le meete wol ka og?

-Abel hat adab ki `dallidheka og.

-Abel adable hat kufach hi ki muroka he og.

7. Abel Waa`g meete le he og?

-Abel Waa`g hat saas mana he og.

-Abel adab lulle hat Waa`g hi kufach ki mudowa he og.

-Abel adab he gal gaa bisiwa hat Waa`g takamaka he og.

-Aaleka Abel mi in adable mai bibisiwa Waa`g hi ale `du gaa kaye.

8. Ta alia, Waa`g Kayin ubaa shichole ma enela `daa mare?

-Kayin `daa giri Waa`g met ma kinya.

-Kayin `daa giri walach Waa`g ma `du gaa ena.

-Kayin he `daa girich Waa`gieta muniny, in girichle fe`doka Waa`g ki `jebinetka he fe`de.

9. Kayin in `daaleka tawiny mare he `giye?

-Kayin hat adab ki `dallidheka tabma`don.

-Kayin adab hat kufach hi he ki muroka tabma`don.

10. Kayin Waa`g tawinyle mare he `giye?

-Kayin hat Waa`g saas mana tabma`don.

-Kayin adab lulle hat Waa`g hi kufach mudoka tabma`don.

-Kayin hat Waa`g hi bibisichoka he tabma`don.

-Kayin ma adab gal gaa hibisowa he tabma`don,

11. Waa`g Kayin shichole diteka, wassel Kayin ubaa Waa`g wol geyela `daa mare?

-`Daa giri Waa`g Kayin giela.

-Waa`g Kayin adable wogodhoka mi fe`de.

12. Kayin he Waa`g meta kiye?

-He met ma kiny.

13. Kayin maya he met gaa kiye?

-Kayin Satan he met gaa kiye.

14. Kayin meete he egey?

-Kayin idhane, ubaa nyarle Abel yies.

15. Kayin heele egeyka, he Waa`g hi argiye?

-Ii.

-Waa`g he lulle argiyo ubaa he lulle og.

16. Waa`g Kayin adable he ki mude?

-Ii.

-Waa`g adab lulle he hai ki muda.

-Adab tigde ubaa Waa`g he mi murinyka, he man.

-Waa`g Kayin ariyeka, waasel Kayin tagniyeka, eba ki toyo

Erkob 4:16-19 & 23 ki toyo

16-Aale Kayin do Yoowa inum gaa kie, les gaali Nood yeget, Eden `daa baryo ki taal mare gaa yedie.

17-Kayin minle hol af rafe, min geer hi hile, Enok `dalle. Kayin e `disse, e inyle Enok mee ki shie.

18-Enok Irad `dalle. Irad Muyayel `dalle. Muyayel Methushayel `dalle. Methushayel Lamek `dalle.

19-Aale Lamek naam edhe. Min tigid meenyle Ada, min tigid meenyle Dhillia.

23-Lamek `degle Ada ubaa Dhillia geey, kieye, It `deg Lamekala, afchu nee koo, he yu hogodhola malaa. Yaa maa rorich ye liil kaay mare yies.

-Kayin Waa`g meta ki kena he ma fe`diny.

-Kayin Satan takama he met gaa kiye.

-Kayin hidhle Kayin almichle elga vere.

-Kayin hidhle Waa`g meta ki kena he ma fe`diny.

-Kayin hidhle Satan takama he met gaa kiye.

-Kayin hidhle Waa`g girichle nanaatka he ma fe`diny.

-Kayin hidhle girichle fe`doka nedhe.

-Kayin hat nyarle Abel yieska, Kayin hidhle tigid, Lamek, mu tigid yies.

-`Daa giri Kayin Waa`g met ma kinya, Kayin hidhle mi in almichle elga vere ubaa Waa`g hi muritle didhe.

-Lul kuno ki Waa`g meta ki kena, he takama gudo.

-Waa`g har ki met ma kekeminya, um kuno almich kuna elga verene ubaa he Waa`g met ma keminy.

-Kayin ubaa hidhle, he Waa`g ma ki idiny.

-Kayin ubaa hidhle meete he ki ija?

-Kayin ubaa hidhle kamur takama wol `du shuna.

-Mun kamur takama ki ijoka, he muniny.

-Kamur takamle he gaal ma bisiny.

-Waa`g takama gaal bisach shigicha.

-Waa`g takama Satan forgogintle yiede`dichoka u`da.

-Kayin `daa giri Abel yieska, Adam ubaa Hewan veel eiy taaka Waa`g hi shiche.

-Veel naalla menyle Sedh.

Erkob 4:25 ki toyo

25-Aale Adam gedi minle hol af rafe, min maa nyigeny `dalle, mu menyle shicheka Sedh. Mu kieye, Abel giri Kayin hi yieska, afle Waa`g he ye veel eiy ka shiche, min hi chie.

-Adam ubaa Hewan tagniyeka waasel hat Satan gaal gaa bisichoka maa bisachiet ale gaa kaiyoka hat `dee woteka ini tab`do`doto?

-Abel `daa giri Waa`g ii yie ka, maa bisachiet, Abel hidhle `daa le Waa`g ye ka de`dicha.

-Kayin Satan met gaa kiye, Kayin nyarle Abel, yies.

-Kayin Abel yegeska Satan hi ka geche, Waa`g maa bisachiet ale gaa ka kaiyoka, he Satan hi ma fediny.

-Kayin `daa giri Abel yieska, Satan Waa`g he tagnaniyoka ale hai koy?

-He muniny.

-Waa`g he tagnaniyo mu`deka he maa nini hi ale kakoyoka he man.

-Kayin `daa giri Abel yieska, Waa`g maa bisachiet ale gaa ka kaiyoka, `deeny hi woteka ino ka baday?

-He in ma ka badany.

-Waa`g he woteka he in ma ka badany.

-Waa`g Adam ubaa Hewan veel gaal hi Sedh yegetka shichela `daa mare?

-Kayin `daa giri Abel yieska, Waa`g Sedh hidhle, maa bisachiet ale gaa ka kaiyoka `daa giri mi mureka.

-Waa`g hele tagnaniyoka, bar lulle ha mi bedita.

-Maa nini Waa`g ale kokoyoka he man.

-Satan ubaa ononya, he Waa`g ale ma kokony.

-Sedh gudandhe ubaa min edhe.

-Sedh minle veel yab `dalle.

-Sedh veelle menyle Enok.

Erkob 4:26 ki toyo

26-Sedh ubaa maa nyigeny `dalle. Maa kinaalla meenyle mui shieka Enosh. Ameenye kinaal gaalat do meeny Yoowa ka vivite.

-Waa`g war`gatle kieye, Sedh af veel `dalleka, af kinaala Sedh ubaa galle Waa`g visanle ubaa iiyenle me gaa kodhe.

-Waa`g he vivisetka ubaa Waa`g girichle `daa le nanaatka, lulle Waa`g hai egete.

-Maa angora ta maa edhe, maa kamurta ta maa he mana, maa rorich ta maa karsich, maa yab ta maa`deit yegetka he uro.

-Waa`g he vivisetka ubaa Waa`g girichle `daa le nanaatka, lulle Waa`g hai egete.

-Sedh ubaa galle Waa`g ii yieka, af kinaala gaal eiy taaka burneya he Waa`g iiyenle man.

-Adam waram burneya yedie, waasel kufe.

Erkob 5:4-5 ki toyo

4-Sedh `dallidheka, Adam warram eiy taaka ku`d siet yedie. Waram kinaal mui um eiy taaka nyigenyka ubaa um hadaka gaa `dalle.

5-Adam man yegieka waramle lulle ku`d saal, tomon eiy sede.

-Adam `daa mare he kufe?

-Adam `daa giri Waa`g met ma kinya ubaa Satan met gaa kiye.

-Hewan ubaa kuiye.

-Hewan `daa mare kuiye?

-Hewan `daa giri Waa`g met ma kinya ubaa Satan met gaa kiye.

-Erkoba bii lulle he kufach man.

-Adam ubaa Hewan kufanana, he Waa`g he ma fe`diny.

-Waa`g gaalat kufanana he ma fe`diny.

-Gaalat lulle kufananala `daa mare?

-`Daa giri adabono kuno.

-Waa`g adab meete ki mu`da?

-Kufach.

-Waa`g war`gatle kieye, Sedh hidhle mu tigid meenyle Enok hible mu hi gaal gedia.

Erkob 5:22-23 ki toyo

22-Metushela `dallidheka, Enok waram eiy taaka ku`d sede yedie, mu Waa`g `deenyle hat `dabaanka elga igire. Waram kinaal mui um eiy taaka nyigenyaka ubaa um hadaka gaa `dalle.

23-Enok waramle lulle kud sede tomonam eiy le ta achen.

-Enok adab `giye ki `dallidheka, Waa`g ii yie ubaa Waa`g met gaa kiye.

-Enok meete wol ki og?

-Enok `daa Adam ubaa Hewan hidhle gaa `dallidheka he og.

-Enok Eden hat af `datiya ki `dallidheka he og.

-Enok bii adab `geyoka hat ki `dallidheka he og.

-Enok bii kufach `geyoka hat ki `dallidheka he og.

-Enok Waa`g meete le he og?

-Enok Waa`g hat saas manka he og.

-Enok adab lulle hat Waa`g kufach ki mu`duwa he og.

-Enok hat Waa`g takamle mi bisichoka he og.

-Enok Waa`g hat gaalat Satan gaa bisichoka, maa bisachiet mi ale gaa ka kaw, ii yegeedhe.

-Enok gaal eiy taaka `deeny Waa`giet ii yegetka gedia.
-Ta gaal burneya Enok af nee kokoka he ma fe`diny.

-Gaal burneya `deeny Waa`giet ii yegetka he ma fe`diny.
-Kulich tigid Enok he eiy taaka hi me gaa `jiye.

Erkob 5:24 ki toyo

24-Enok Waa`g `deenyle hat `dabaanka el gaa igire, do kulich tigid la, Waa`g hi ete.

-Enok he eiy taaka hi me gaa `jiyela meete?

-Waa`g Enok wol af yedianka, mu ur Waa`gieta `du ete.

-Ur Waa`gieta meete ka taala?

-Ur Waa`gieta he boyin man ubaa he ger gaa `denit man.

-Ur Waa`gieta he baash man ubaa he kufach man.

-Ur Waa`gieta he Waa`g ubaa mu galle gasoka he gaa ijoka.

-Mun ki maya ki les farenji arge?

-He ki ma arginy.

-Gaal burneya les farenji ma sienka, les in he bii gaa ido.

-Mun hurt kuno ur Waa`giet ki ma arginyka, ur Waa`giet he ale ido.

-Ur Waa`giet ale?

-Ur Waa`giet, aadho, `gui, ubaa hidhino he tag gaa fag.

-Waa`g Enok ur Waa`giet `du etela `daa mare?

-Enok `daa giri adab tagmaninya?

-He muniny.

-Hat gaalat lulle, Enok he Adam ubaa Hewan hidhle.

-Enok hat gaalat lulle adab ki `dallidheka, in ubaa adab ki `dallidhe.

-Ta `daa mare Enok Waa`g hi ur Waa`gieta `du ete?

-Enok `daa giri Waa`g meta kiyeka.

-`Daa giri Enok Waa`g girichle takama elga vere.

-Waa`g `daa giri gaalat tagniyeka, gaalat lulle Waa`g hele.

-Waa`g `daa giri gaalat lulle tagniyeka, gaalat lulle hat mi fe`doka mi egemeya.

-Waa`g `daa giri Enok tagniyeka, Enok he met gaa kiyeka, Waa`g Enok ur Waa`gieta `du ete.

-Enok he ma kufiny.

-Enok ale ma kufinya, Waa`g hi ur Waa`gieta `du ete.

-Maa ma kufinya, ur Waa`gieta yileka erkoba Enok.

-Enok veelle menyle Metushela.

Erkob 5:25-27 ki toyo

25-Meteshela waram hi ku`d tigid, tomon eiy siet, ta atiiya yieka Lamek `dalle.

26-Lamek `dallidheka, Metushela waram eiy taaka ku`d tiiya, tomonam siet, ta anaam yedie. Waram kinaal mui um eiy taaka nyigenyka ubaa um hadaka gaa `dalle.

27-Metushela man yegieka waramle lulle ku`d saal, tomon eiy le, ta asaal.

-Enok inyle Metushela he bii lulle gaa ijoka, gaalat maa waram burneyka yedianka mi ini.

-Metushela waram kud saal tomonam eiy le asaal gaa yedie.

Erkob 5:28-29 & 32

28-Lamek waram hi ku`d tigid, tomon eiy siet, ta anaam yieka, maa nyigeny `dale.

29-Mu meenyle shieka Nowa. Mu kieye, Maalla in les Waa`g hi ki waagasatela, hujichle fargogo, ke gaa nanuola gaal `du `jeeme, yie.

32-Nowa waram hi ku`d chen yegetala, he Shem, ubaa Ham ta Yafedh `dalle.

-Metushela iny inyle meenyle Nowa.

-Hib gedoka Nowa ubaa umle hible ki toyo.